



U ovom broju:

- ➔ IZGRADNJA KANALIZACIONE MREŽE U TEŠNJU
- ➔ LISTA KAPITALNIH PROJEKATA
- ➔ OPĆINI TEŠANJ URUČEN BFC CERTIFIKAT
- ➔ ODRŽAN 12. SAJAM PRIVREDE
- ➔ DOGOVORENA GRADNJA I 10kV TRAFOSTANICE U JELAH
- ➔ BEREKET KONVOJ U TEŠNJU
- ➔ PRIJEM NAJBOLJIH UČENIKA
- ➔ LJETO U TEŠNJU 2016



OPĆINA TEŠANJ

Trg Alije Izetbegovića 11

www.opcina-tesanj.ba

e-mail: optesanj@bih.net.ba





KONKURS ZA DODJELU NOVČANE POMOĆI ZA NABAVKU OBAVEZNIH UDŽBENIKA DJECI BRANILACA ZA ŠKOLSKU 2016/2017. GODINU

Ministarstvo za boračka pitanja ZDK, 04.07.2016. godine na web stranici Kantona objavilo je *Konkurs za dodjelu novčane pomoći za nabavku obaveznih udžbenika djeci branilaca za školsku 2016/2017. godinu.*

Konkurs ostaje otvoren 20 dana od dana objavljivanja (od 04.07. 2016. godine do 25.07.2016. godine). Prijave na konkurs sa potrebnom dokumentacijom za djecu pripadnika branilačke populacije podnosi roditelj – staratelj u Općini Tešanj, Službi za boračko invalidsku zaštitu i opće poslove.

Konkurs je istaknut na oglasnoj ploči Općine Tešanj, oglasnim pločama boračkih udruženja, a možete ga pogledati i na www.opcina-tesanj.ba

POMOĆNIK OPĆINSKOG NAČELNIKA
Sabahudin Omerbašić, profesor

OBAVIJEST O RADNOJ KNJIŽICI

U skladu s odredbama Zakona o radu ("Službene novine FBiH", broj:26/16) kojima je regulisano izdavanje i postupanje sa radnim knjižicama, obavještavamo sve građane Općine Tešanj koji posjeduju radnu knjižicu ili su istu trebali da izvade, da je zaključno za 30.06.2016. godine prestala da važi odredba Zakona o obavezi izdavanja radne knjižice.

Radne knjižice koje su prestale važiti i dalje zadržavaju svojstvo javne isprave koja će se i nadalje koristiti u svrhu dokazivanja podataka koji se u njoj nalaze.

Sva lica koja do 30.06.2016. godine nisu posjedovala radnu knjižicu a treba da izvrše prijavu na evidenciju Zavoda za zapošljavanje, učinit će to bez obrasca radne knjižice.

Svi poslodavci su dužni radnicima vratiti radne knjižice najkasnije u roku od dva mjeseca, odnosno do 31.08.2016. godine.

POMOĆNIK OPĆINSKOG NAČELNIKA
Hamzalija Hojkurić, dipl.ecc.



Izdaje: **OPĆINA TEŠANJ**

Redakcija:

Edina Kadušić, Samir Brka,
Kanita Gredelj i Bahrudin Nočić.

Glavni i odgovorni urednik:

Edina Kadušić

Adresa Redakcije:

Općina Tešanj, Trg Alije Izetbegovića 11
74260 Tešanj

Telefoni: 032 650-341 i 032/650-022 (lokal 107)

Fax: 032/650-220

E-mail: press@opcina-tesanj.ba

Tiraž: 2.000

Štampa: Grafik-komerc

NOVI UGOVOR ZA IZGRADNJU KANALIZACIONE MREŽE U TEŠNJU VRIJEDAN 3 MILIONA KM

Općinski načelnik Suad Huskić, nakon provedene procedure javne nabavke potpisao je ugovore za nastavak projekta u 2016. godini - *Izgradnje sistema prikupljanja, odvodnje i prečišćavanja otpadnih voda* vrijedan 24 miliona maraka.

Ove godine planirani su radovi na dionici od Mračaja, preko Jelaha do Tešanjke i od Tešanjke do Kraševa ukupne dužine 7 km i vrijednosti 3 miliona maraka. Prošle godine završena je prva faza, što ukupno za 2015. i 2016. godinu iznosi 14 km kanalizacione mreže, ukupne vrijednosti 5,7 miliona maraka.

U prošloj godini smo počeli građevinske radove na izgradnji najvećeg javnog projekta do sada, u prvoj fazi vrijednog oko 24 miliona maraka. Krenuli smo u realizaciju Izgradnje sistema prikupljanja, odvodnje i prečišćavanja otpadnih voda u okviru projekta WATSAN koji vodi Federalno ministarstvo poljoprivrede, vodoprivrede i šumarstva. Ove godine, nastavljamo realizaciju projekta, kazao je Općinski načelnik Suad Huskić.

Izvođač radova su Konzorcij Harysco d.o.o. Sarajevo, Dobojuptevi d.d. Doboj Jug i Nedjing d.o.o. Tešanj (za LOT1), te Konzorcij HP Investing d.o.o. Mostar i Inžinjering I d.o.o. Jelah (za LOT2).



IZVJEŠTAJ



o radu Općinskog vijeća Tešanj za period 01.01.– 30. 06. 2016. godine

Općinsko vijeće je u periodu 1.1.–30.6.2016. godine donijelo 21 odluku, 5 rješenja i 51 zaključak. Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojnije su bili prijedlozi odluka (21), informacije (15), rješenja (5), inicijativa (9), izvještaja (6). U izvještajnom periodu Općinsko vijeće je nakon provedenih rasprava usvojilo ukupno 77 akata i to 21 odluku, 5 rješenja, i 51 zaključak.

Općinsko vijeće Tešanj je u periodu 1.1. – 30.6.2016. godine radilo u redovnim javnim zasjedanjima. Održano je ukupno 5 redovnih sjednica od toga 1 je bila tematska. Sjednice Vijeća u izvještajnom periodu trajale su u prosjeku oko 4 sata. Na dnevnom redu sjednica Vijeća bilo je 47 tačaka,

Aktivnosti Općinskog vijeća zasnivale su se na zadacima utvrđenim Programom rada Vijeća za 2016. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo. Materijali za sjednice Vijeća su uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća. Cjelokupan radni materijal planiran za sjednice Vijeća, poslije sjednice Kolegija objavljuje se na zvaničnoj web strani Općine. Vijećnici su u svom radu postavili 52 vijećnička pitanja na koja je odgovoreno, uglavnom do naredne sjednice Vijeća i podnijeli 9 vijećničkih inicijativa.

Rad svih sjednica Vijeća bio je javan. Sjednicama su redovno prisustvovali i mediji (TV "Smart" Tešanj). Sjednice su emitovane u jasno definisanom terminu, prva subota nakon održavanja sjednice sa početkom u 20,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjka hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjском biltenu, te na druge načine (facebook stranici i aplikacije za mobilne telefone). Konačni akti redovno su objavljivani u "Službenom glasniku Općine Tešanj", koji su građanima dostupni i na web stranici Općine Tešanj.



OPĆINI TEŠANJ U PODGORICI SVEČANO URUČEN BFC CERTIFIKAT



U Podgorici na Četvrtom Regionalnom kongresu na temu Povoljno poslovno okruženje u Jugoistočnoj Evropi svečano je uručen certifikat po kojem Općina Tešanj ispunjava uvjete i stiče naziv *Povoljno poslovno okruženje (Business Friendly Municipality – BFC)*. Organizator Kongresa je Nacionalna alijansa za lokalni ekonomski razvoj (NALED) koja dodjeljuje BFC certifikate u saradnji sa njemačkim GIZ-om i švicarskom Eidgenossenschaft.

Općina Tešanj, stoji u pojašnjenju, ispunjava kriterije Programa certifikacije gradova i općina sa povoljnim poslovnim okruženjem u Jugoistočnoj Evropi u skladu sa standardom BFC SEE: 2014 sa ostvarenih 94.6 od maksimalnih 100 poena.

Mi u Općini Tešanj smo već odavno 'business friendly'. Da je tako, govore podaci o ekonomskom razvoju koji iz godine u godinu ostvaruje naša Općina. Općina Tešanj je danas sinonim za ekonomski uspjeh, i dokaz da su lokalne zajednice, premda ograničene nadležnostima, u stanju promijeniti poslovni ambijent u korist prije svega svojih građana, a potom i investitora. Nije bilo jednostavno, ali pomagala nam je činjenica da smo naš ranije ustanovljen 'primjer dobre prakse' samo primijenili u mnogim segmentima certificiranja. Ponosni smo na ovo još jedno priznanje, i zahvaljujem se svima koji su doprinijeli svojim radom da ga dobijemo, kazao je tom prilikom Načelnik općine Tešanj Suad Huskić.

Četvrti Regionalni kongres ove godine se održava pod motom *Do novih visina*, sa učesnicima iz Bosne i Hercegovine, Hrvatske, Crne Gore, Makedonije i Srbije, američkog USAID-a i njemačkog GIZ-a, a na kojoj je Tešanj, među ostalima, prepoznat kao jedan od regionalnih lidera.

Promjene su nam potrebne, i to na svim nivoima. Svjedoci smo da je promjene vrlo teško dogovoriti i provesti na višim nivoima vlasti zbog kompliciranosti sistema i nadležnosti. Pozivam i ostale općine u BiH koje još nisu dobile BFC, da čim prije pristupe ovom vrlo korisnom programu. Uvjeren sam da ćemo na

taj način svi zajedno kao lokalne zajednice doprinijeti bolje uređenoj i organiziranoj Bosni i Hercegovini, zbog nas samih, ali i zbog tržišne utakmice koja nam predstoji u procesu ulaska naše zemlje u EU, izjavio je Načelnik općine Tešanj Suad Huskić.

Podršku Općini Tešanj u procesu BFC certifikacije je pružio USAID Sida GOLD Project.



POTPISAN UGOVOR ZA DEMINIRANJE NA PODRUČJU OPĆINE TEŠANJ

Nakon provedene procedure javne nabavke, Općinski načelnik Suad Huskić i predsjednik Nevladine humanitarne organizacije *DOK-ING Deminiranje Pale*, Nedeljka Gvozdenović potpisali su ugovor vrijednosti 161.576,13 KM za deminiranje na području općine Tešanj.



Potpisali smo ugovor za deminiranje površine od 194.000 m² na tri lokacije na području općine Tešanj. U pitanju su projekti Vrela-Crvena zemlja, Kalošević-Bugarinovići 3 i Lončari-Potkomin 5 koji se finansiraju sredstvima Japanske ambasade u BiH, kazao je Općinski načelnik Suad Huskić.

Ukupna sumnjiva površina prema Planu protivminskog djelovanja općine Tešanj iznosi 3.089.500 m². Prvu kategoriju sumnjive površine čini površina od 569.700 m², drugu čini površina od 725.100 m², a trećoj kategoriji pripada ostala površina od 1.794.700 m². Do sada je deminirana ukupna površina od 864.497,30 m², od čega prve kategorije 456.569,99 m², a druge kategorije 407.927,31 m². Sa realizacijom postojeća tri projekta u 2016. godini ukupna deminirana površina će iznositi 1.059.003 m². Prema Planu protivminskog djelovanja preostala površina koja predstavlja prioritet za deminiranje u prvoj kategoriji iznosi 113.130,01 m²., a u drugoj 122.666,69 m² i one predstavljaju visok stepen rizika.

U OKVIRU SAJMA PRIVREDE U TEŠNJU POTPISANI UGOVORI ZA NAJBOLJE POSLOVNE IDEJE MLADIH

U okviru Sajma privrede, Općinski načelnik Suad Huskić potpisao je ugovore o poticajima u svrhu pokretanja vlastitih biznisa sa devet budućih poduzetnika – Ismarom Galijaševićem, Mensurom Saltagićem, Farukom Garićem, Ammarom Halepovićem, Adnanom Mehićem, Ernadom Dedukić, Belmom Bošnjak, Kenanom Alićem i Muhamedom Agićem.

Projekat *Poslovne ideje mladih* pokrenut je 2011. godine. U njegovu provedbu Općina je do sada investirala cca. 270 hiljada KM čime je pokrenuto 36 preduzeća, i otvoreno, do sada 67 novih radnih mjesta. Po ovom modelu Općina finansira troškove registracije preduzeća, doprinose za dio zaposlenih u periodu do tri godine, a u određenim slučajevima Općina je finansirala troškove zakupa poslovnog prostora.

Veoma smo ponosni na ovaj projekat i u šest godina njegove provedbe mladi u Tešnju su pokazali svoju poslovnu kreativnost i potvrdili da imaju razvijen poduzetnički duh. Projekat Poslovne ideje mladih je jedan od programskih i strateških ciljeva Općine Tešanj koji je urodio plodom, jer pored brojki i formalnosti, šalje poruku da mladi treba da ostanu tu i grade svjetliju budućnost čuvajući identitet ovog podneblja - kazao je Općinski načelnik Suad Huskić.



DOGOVORENA GRADNJA 110 kV TRAFOSTANICE U JELAHU

Općinski načelnik Suad Huskić primio je delegaciju kompanije za prenos električne energije Elektroprenos Banja Luka. Tokom sastanka, razgovarano je o planu investiranja na području općine Tešanj- početku gradnje nove 110 kV trafostanice na području Jelaha, za koju je nakon većeg broja kontakata i sastanaka, dobivena saglasnost.

Vrijednost investicije je 6 miliona maraka, a realizacija se očekuje u narednih 18. mjeseci. Također, ovom prilikom razgovarano je i o investiciji vrijednoj 2,9 miliona maraka, a koja je u toku – trafostanica u Bukvi.

Prema podacima, općina Tešanj je jedan od najvećih potrošača industrijske struje u FBiH. Realizacijom ovih projekata vrijednih skoro 10 miliona maraka, obezbjedit će se dovoljni kapaciteti električne energije za područje općine Tešanj za narednih 40 do 50 godina.



UGOVORI ZA I DIO KAPITALNIH PROJEKATA

U Kabinetu Općinskog načelnika, nakon provedene procedure javne nabavke, potpisani su ugovori za prvi dio kapitalnih projekata za 2016. godinu.

Ugovore su potpisali Općinski načelnik Suad Huskić i predstavnici firmi *Doboj putevi d.o.o. Doboj Jug* (za projekte: *Asfaltiranje puta Toplana-Čifluk, Bukva, Asfaltiranje puta Trzna, Asfaltiranje puta Karahodžići, Rekonstrukcija puta Mezarje-Ogrići, Rekonstrukcija puta Osnovna škola-Sarači, Rekonstrukcija puta Donja mahala-Gobelja, Izgradnja sportskog igrališta u Huskićima, Asfaltiranje puta Sole-Zovke, Asfaltiranje puta Agići – Bajina glava, Asfaltiranje puta Imamovići, Asfaltiranje parkinga kod Centra za socijalni rad, Asfaltiranje puta Uno-Mehuljići-Mešići (krak 1) i Hajdić d.o.o. Maglaj* (za projekte: *Rekonstrukcija puta Beše-Bahtići i Uređenje platoa kod zgrade MZ Bobare-Drinčići-Blaževci*).

Danas smo potpisali 14 ugovora za prvi dio kapitalnih projekata koji će biti finansirani iz našeg budžeta. U toku je ugovaranje i druge grupe projekata. Očekujem da će svi projekti biti uspješno realizovani do kraja građevinske sezone, kazao je Općinski načelnik Suad Huskić.

Ukupna vrijednost potpisanih ugovora je oko 210 000 KM.



MZ Jevadžije – dionica puta Karahodžići



MZ Raduša - dionica puta *Uno-Mehuljići-Mešići*



MZ Karadaglje – dionica puta *Beše-Bahtići*



MZ Rosulje – dionica puta *Agići-Bajina Glava*



Parking kod Centra za socijalni rad



MZ Bukva - dionica puta *Toplana-Čifluk*



MZ Novi Miljanovci - *Donja mahala-Gobelja*



MZ Kraševo – dionica puta *Mezarje-Ogrići*



MZ Jelah-izgradnja puta *Rastoke*



MZ Miljanovci – dionica puta *Osnovna škola-Sarači*

12. SAJAM PRIVREDE BIZNIS 2016

U organizaciji Udruženja privrednika *Biznis centar* Jelah Tešanj svečanim presjecanjem vrpce otvoren je 12. *Sajam privrede Biznis 2016*. Sajam su otvorili Ministar vanjske trgovine i ekonomskih odnosa BiH Mirko Šarović, Ministar civilnih poslova BiH Adil Osmanović i predsjednik Udruženja privrednika *Biznis centar* Jelah, Tešanj Senad Brka.

Na Sajmu je učestvovalo više od 120 domaćih i inostranih izlagača, koji su se predstavili na preko 3.500 kvadrata zatvorene i oko 7.000 kvadrata otvorene površine.

Prigodnim govorom, gostima i posjetiocima su se obratili predsjednik Udruženja privrednika *Biznis centar* Jelah, Tešanj Senad Brka, Ministar vanjske trgovine i ekonomskih odnosa BiH Mirko Šarović, Premijer ZDK Miralem Galijašević, predsjednik Privredne komore FBiH Mirsad Jašarspahić i Općinski načelnik Suad Huskić

Sudeći po broju izlagača i veličini prostora za izlaganje, ovo je do sada najveći Sajam, što dovoljno govori o značaju koji Tešanj i njegov Sajam imaju kod privrednika. Dodamo li ovome da je Tešanj onedavno i ponosni vlasnik certifikata po kojem naša Općina ispunjava uvjete i stiče naziv "Povoljno poslovno okruženje" (Business Friendly Municipality – BFC), može se konstatovati da smo kreirali ambijent za investicije u privredu Tešnja, te da se možemo nadati još snažnijem razvoju naše općine, kazao je Općinski načelnik Suad Huskić.

U okviru Sajma održana je i panel diskusija Evropske integracije i ljudski resursi na kojoj su učestvovali Ministar vanjske trgovine i ekonomskih odnosa BiH Mirko Šarović, Ministar civilnih poslova BiH Adil Osmanović, Direktor Direkcije za evropske integracije Edin Dilberović, Svetlana Cenić, Regionalni poslovni klub *Biznis plus* i Općinski načelnik Suad Huskić.

Sajam je trajao od 19. do 22. maja 2016. godine.



TEŠANJ U PROJEKTU PRIKUPLJANJA SITNOG ELEKTRONSKOG OTPADA

Općinski načelnik Suad Huskić, direktori 9 osnovnih i 3 srednje škole sa područja općine Tešanj, direktor firme *EKO SERVIS* i Udruženje *EKO MLADI* potpisali su Sporazum o prikupljanju baterija, sijalica i sitnog elektronskog otpada.

Radi se o projektu: *Kada se reciklira, priroda profitira*, koji su podržali Ministarstvo za saobraćaj, komunikacije i okoliš ZDK i Općina Tešanj.

Općina Tešanj će u cilju podrške projektu za sve osnovne i srednje škole na području općine obezbijediti neophodnu infrastrukturnu podršku što će činiti osnovne pretpostavke za učešće škola u projektu organizovanog prikupljanja baterija, sijalica i sitnog elektronskog otpada.

Ovo je nastavak uspješnog projekta koji realiziramo već sedmu godinu – prikupljanje PET ambalaže, u okviru kojeg je prikupljeno skoro tri miliona PET boca. To pokazuje da smo svjesni važnosti ovog projekta i da volimo svoju sredinu. Vjerujem da ćemo i u narednim godinama vrlo uspješno nastaviti sa realizacijom oba projekta, kazao je Općinski načelnik Suad Huskić.

Osnovne i srednje škole će putem učenika i osoblja škole raditi na prikupljanju baterija, sijalica i sitnog elektronskog otpada, te provoditi edukaciju u okviru postojećih aktivnosti koja će doprinosti promovisanju recikliranja.



BEREKET KONVOJ: VELIKI IFTAR NA OTVORENOM

Općina Bajrampaša, (Istanbul, R. Turska) u saradnji sa Općinom Tešanj i Medžlisom islamske zajednice Tešanj organizovala je veliki iftar na otvorenom za sve građane općine Tešanj. Organizatorima je potvrđen dolazak 1.600 osoba, a u konačnici je posluženo oko 3.000 obroka. Iftar je održan u srijedu 15. juna (10. dan ramazana) na platou ispred Plave džamije (Kutahya) na Krndiji, a organizovan je u okviru projekta Bereket konvoj na Balkanu.

U posljednjih nekoliko godina naši prijatelji iz Turske su nas u Tešnju više puta istinski obradovali. Završena je izgradnja džamije Kutahya koju su oni finansirali. Prošle godine u Tešnju je otvorena prva Biblioteka u Bosni i Hercegovini nakon rata, i to finansijskom podrškom turskog naroda putem TIKE od preko 500.000 KM. I evo, sada općina Bajrampaša nas je okupila na zajedničkom iftaru, da nam predstave svoju kulturu i običaje. Hvala im iskreno na tome, hvala u ime Općine Tešanj i svih koji su došli, kazao je Općinski načelnik Suad Huskić.

Iftaru su prisustvovali Ambasador Turske Cihad Erginay i Ambasadorica Indonezije Amelia Yani, zamjenik gradonačelnika općine Bajrampaša iz Turske Gokhan Balekoglu, Načelnik Općine Tešanj Suad Huskić, Predsjedavajući Općinskog vijeća Tešanj sa vijećnicima, direktor Turske razvojne agencije TIKA i direktor Yunuz Emre Instituta, predstavnici viših nivoa vlasti, Glavni imam i predsjednik Medžlisa islamske zajednice Tešanj, direktori javnih ustanova i preduzeća, predstavnici boračkih udruženja, mjesnih zajednica i škola...

Gosti su, osim iftara pripremili i prigodan vjersko-kulturni program koji su pratile i direktno prenosile tri televizije iz Turske.



PRIJEM NERMINA HANDŽIĆA

Općinski načelnik Suad Huskić i predsjedavajući Općinskog vijeća Senad Subašić primili su Nermina Handžića našeg sugrađanina koji je učestvovao na takmičenju Neki novi klinici. U Superfinalu ovog takmičenja, koje je održano u nedjelju, 26. juna, Nermin je osvojio treće mjesto.

Sretan sam i ponosan da je Nemin predstavio sebe i svoju sredinu, ali i cijelu Bosnu i Hercegovinu na najbolji način. Ovom prilikom, želim čestiti Nerminu na postignutom uspjehu, kazao je Općinski načelnik Suad Huskić.

Prijemu su prisustvovali i članovi Omladinskog ansambla, koji su pratili Nermina tokom ovog takmičenja.



PRIJEM NAJBOLJIH UČENIKA

Općinski načelnik Suad Huskić primio je najbolje učenike devet osnovnih i tri srednje škole sa područja općine Tešanj. Riječ je o tradicionalnom prijemu Općinskog načelnika koji se svake godine održava za učenike generacije, učenike sa posebnom diplomom sa prosjekom 5,0 tokom cijelog školovanja, kao i za direktore škola, profesore i roditelje.

Ovom prilikom, Općinski načelnik je razgovarao sa učenicima generacije o planovima za budućnost i njihovom daljem školovanju. Prijemu je prisustvovao i predsjedavajući Općinskog vijeća Senad Subašić.

Ovo je samo dio aktivnosti koje provodimo u cilju afirmacije rada, znanja, i mladosti. Najbolja investicija za prosperitet i razvoj je investicija u znanje, kazao je Općinski načelnik Suad Huskić.



UREĐENJE ULICE 1. MART U TEŠNJU

Na osnovu zaključenog ugovora, počelo je uređenje ulice 1. mart u Tešnju.

Izvođač radova, firma *Porobić d.o.o. Zavidovići* pristupila je raščišćavanju lokacije za nesmetano izvođenje radova - skidanje asfalta, betonskih površina i temelja.

Vrijedost Ugovora je 349.154,04 KM. Nadzor je *Arh Studio d.o.o. Tešanj*.



UREĐENJE PRILAZA STAROM GRADU - GRADINI



U toku su radovi na uređenju prilaza za Stari grad – Gradinu u Tešnju (II faza).

U ovoj fazi, planirani su radovi na prilazu koji graniči sa Titovom ulicom, a podrazumjeva izradu kamenih stepenica, kaldrme i površine popločane granitnom kockom.

Vrijednost ugovora je 52.887,39 KM.

Izvođač radova je *Građevinska radnja vl. Ševko Elez*.

ZAŠTITA LIJEVE OBALE RIJEKE USORE U KALOŠEVIĆU



Završena je realizacija projekta *Zaštita lijeve obale rijeke Usore u Kaloševici*.

Radove je izvodila grupa izvođača *Trans-Putevi d.o.o. Doboj Jug* i *Porobić d.o.o. Zavidovići*.

Vrijednost Ugovora je 49.221,68 KM.

Sredstava za realizaciju projekta su obezbjeđena iz Agencije za vodno područje rijeke Save Sarajevo.

Nadzor nad izvođenjem radova vršila je *PGP HIDROINŽINJERING d.o.o. Tuzla*.

OBIKJEŽENA GODIŠNJICA FORMIRANJA 202. VITEŠKE GARAVE BRIGADE



U subotu, 9. jula u Sportsko-rekreativnom centru u Tešnju upriličeno je obilježavanje 24. godišnjice od formiranja 202. Viteške Garave brigade. Prisutnima su se, ovom prilikom obratili ratni komandanti i gosti, te podsjetili na važnost ove brigade u odbrani tešanjskog kraja u periodu 92-95. godina.

Povodom obilježavanja godišnjice formiranja 202 Viteške Garave brigade, položeno je i cvijeće na Centralno spomen obilježje ispred Doma kulture u Tešnju.

ODRŽANI SASTANCI GRAĐANA PO MJESNIM ZAJEDNICAMA

Projekat *Jačanje uloge mjesnih zajednica (MZ)* u Bosni i Hercegovini (BiH) je zajednička inicijativa Vlada Švicarske i Švedske, čija je vrijednost 14,5 miliona KM. U aktivnostima prve faze koja će trajati do sredine 2019. godine, učestvovat će 120 mjesnih zajednica i 20 JLS širom zemlje, čime će utjecati na poboljšanje kvalitete života 300.000 ljudi.

Mjesne zajednice sa područja općine Tešanj koje su ispunile kriterije UNDP-a i ušle u *Projekat* kao partneri, u periodu od 14.06. do 18.06 2016.godine organizovale su uvodne sastanke građana, koji za cilj imaju povećanje direktnog učešća građana u procesu odlučivanja mjesnih zajednica, posebno socijalno isključenih kategorija, a u ovom konkretnom slučaju u definisanju liste prioriteta projekata mjesnih zajednica.

Mjesne zajednice su izuzetno ozbiljno pristupile ovom projektu i u pet od šest mjesnih zajednica u potpunosti je ispoštovana procedura zahtjevana od strane UNDP-a, a metodologija koja je naučena na treningu trenera je primjenjena. U mjesnoj zajednici Miljanovci-Lončari ova metodologija nije u potpunosti pripremljena i primjenjena, te su date instrukcije o obavezi primjene i najavljen je monitoring u ovoj MZ na sljedećem sastanku građana.

Tokom svih sastanaka učešće su uzele predstavnice UNDP-a Jasmina Islambegović, te po jedan dan Amra Selesković i Mersiha Ćurčić koji nisu krile zadovoljstvo kada je u pitanju stečeno znanje facilitatora koji su vodili ove sastanke građana.

U pet mjesnih zajednica je usvojena preliminarna lista prioriteta projekata koji će biti potvrđeni (ili promjenjeni) na sljedećim sastancima, a nakon čega će UNDP raspisati natječaj za realizaciju istih. Očekuje se veći odziv građana na sljedećim sastancima koji će biti organizovani sredinom sljedećeg mjeseca, a o tačnom terminu građani će na vrijeme biti informisani.

Projekat *Jačanje uloge mjesnih zajednica u Bosni i Hercegovini* ima za cilj da potakne veći angažman građana u opštinskom/općinskom odlučivanju, pružanju kvalitetnih usluga te u provedbi lokalnih razvojnih inicijativa, pri čemu se revitalizacija mjesnih zajednica smatra ključnim sredstvom za postizanje tih ciljeva.

Projekat provodi UNDP u BiH u partnerstvu sa Ministarstvom za ljudska prava i izbjeglice BiH, Ministarstvom uprave i lokalne samouprave Republike Srpske, Ministarstvom pravde Federacije BiH, Vladom Brčko Distrikta i oba entitetska saveza opština/općina i gradova.



POTPISANI UGOVORI ZA PROJEKTE U M-ZONA PROGRAMU

U općini Tešanj upriličeno je potpisivanje ugovora sa sedam neformalnih grupa M-zona programa, odnosno Omladinske banke. Ove neformalne grupe bile su učesnice na regionalnom turniru, koji se održao u općini Doboj Jug, a na kojem su bile i grupe iz općina Tešanj, Doboj Jug, Usora, Doboj i Odžak. Turnir društvenih inovacija se implementira od prošle godine u organizaciji Fondacije Mozaik.

Projekti koji će biti realizirani su različiti ali svi imaju zajednički cilj, a to je unaprijeđenje kvalitete života na ovim prostorima. Na poziv za projekte javilo se 11 neformalnih grupa, dok je njih sedam ispunilo sve predviđene kriterije i potpisalo danas ugovore, kazao je Mirnes Dedukić, službenik za mlade u Općini Tešanj

Vrijednost ovih sedam projekata je 33 000 KM, od čega su dio sredstava (18 490 KM) obezbjedili Općina Tešanj i Fondacija Mozaik, a realizovat će se u mjesnim zajednicama Jelah, Dobropolje-Mekiš, Mrkotić, Tešanj, Trepče, Karadaglije i Piljužići.



OTVORENJE MANIFESTACIJE &

- ✓ Promocija knjige Amira Brke Jerež
petak, 8. juli, 19 sati, CKO
- ✓ Izložba fotografija Alfonsa Rodrigueza Srebrenica, sjećanje na genocid
subota, 9. juli, 19 sati, CKO
- ✓ Promocija knjige Jasmina Medića *Genocid u Prijedoru*
ponedjeljak, 11. juli, 19 sati, Biblioteka
- ✓ DJ Party
subota, 16. juli, 21 sat, Gradina
- ✓ Izložba grafike Danisa Fejzić
srijeda, 20. juli, 18 sati, CKO

- ✓ Promocija knjige Jasmine Handžić Čuvaj se
petak, 22. juli, 19 sati, Biblioteka
- ✓ XII. međunarodna smotra folklor *Tešanjka 2016.*
subota, 23. juli, 19 sati, Plato OŠ Kuljin ban Tešanjka
- ✓ Tribina povodom 75 godina od ustanka u BiH protiv fašizma
gost: dr. Husnija Kamberović
srijeda, 27. juli, 18 sati, CKO
- ✓ Pozorišna predstava *Srebrena krv*
petak, 29. juli, 19 sati, CKO
- ✓ Izložba slika Ahmeta Hundura *Vrijete stare tešanijske čaršije*
srijeda, 3. august, 19 sati, Eminagića konak

- ✓ Promocija knjige Kemala Ljevakovića *Samrtna svitanja*
četvrtak, 4. august, 20 sati, Biblioteka
- ✓ Hommage dr. Ademu Handžiću povodom 100-godišnjice rođenja
srijeda, 10. august, 19 sati, CKO
- ✓ 6. likovna kolonija *Tešanj 2016.*
četvrtak, 11. august, 19 sati, Gradina
- ✓ Izložba *Školarstvo u tešanijskom kraju 1878-1918.*
petak, 12. august, 14 sati, atrij Medžlisa IZ Tešanj
- ✓ Tribina *Islamska tradicija kod Bošnjaka*
petak, 12. august, 19 sati, atrij Medžlisa IZ Tešanj
- ✓ 9. međunarodni memorijalni rukometni turnir *Fuad Prnjavorac Fudo*
subota, 20. august, 10 sati, SRC



100 godina od rođenja
dr. Adema Handžića

2016 LJESNJO U TEŠANJU